

# 圓覺經略釋 科判

唐罽賓沙門佛陀多羅 譯 太虛大師 著

釋道淨 慈信 整理 校對 20240724 4 稿 微信 qq 973451196 禁止商用篡改 法律責任必究

表 0：（1 表）總表

（依廣化寺《圓覺經》版本校對）

| 科判               |                          |             | 經文  |                       |                     |  |
|------------------|--------------------------|-------------|---|-----------------------|---------------------|--|
| 懸<br>論           | 一經本推考分三                  | 甲、翻譯        | 唐罽賓沙門佛陀多羅譯  | 乙、卷帙                  | 丙、注講                |  |
|                  | 二經義提示分三                  | 甲、託本在佛      |   | 乙、被機在頓                | 丙、注重在行              |  |
|                  | 三題目略釋分三                  | 甲、大方廣       |   | 乙、圓覺                  | 丙、修多羅了義             |  |
| 正<br>釋<br>經<br>文 | 甲一證信分<br>分二<br>【經文捲上】    | 乙一略敘聞時主     | 如是我聞：一時，婆伽婆。  |                       |                     |  |
|                  |                          | 乙二廣明依處眾     | 入於神通大光明藏，三昧正受，一切如來光嚴住持，<br>是諸眾生清淨覺地，身心寂滅，平等本際，圓滿十方，不<br>二隨順，於不二境現諸淨土。<br><br>與大菩薩摩訶薩十萬人俱，其名曰：<br><br>文殊師利菩薩，普賢菩薩，普眼菩薩，金剛藏菩薩，<br>彌勒菩薩，清淨慧菩薩，威德自在菩薩，辯音菩薩，淨諸<br>業障菩薩，普覺菩薩，圓覺菩薩，賢善首菩薩等而為上首；<br><br>與諸眷屬皆入三昧，同住如來平等法會。 |                       |                     |  |
|                  | 甲二正說<br>分<br>分<br>分<br>二 | 乙一示境行分二     | 丙一示平等境分二——文殊章（表 1）  |                       |                     |  |
|                  |                          |             | 丙二示差別行分二  | 丁一示地上入佛地行分二——普賢章（表 2） |                     |  |
|                  |                          |             |   | 丁二示地前入地上行分二——普眼章（表 3） |                     |  |
|                  |                          | 乙二深抉擇<br>分三 | 丙一境抉擇分二   | 丁一自悟境分二——金剛藏章（表 4）    |                     |  |
|                  |                          |             |   | 丁二悟他境分二——彌勒章（表 5）     |                     |  |
|                  |                          |             | 丙二行抉擇<br>分三   | 丁一行位分二——清淨慧章（表 6）     |                     |  |
|                  |                          |             |   | 丁二行法分二<br>【經文卷下】      | 戊一單法門分二——威德自在章（表 7） |  |
|                  |                          |             |   |                       | 戊二復法門分二——辯音章（表 8）   |  |
|                  |                          |             |   | 丁三行病患分二               | 戊一自心病分二——淨諸業障章（表 9） |  |
|                  |                          |             |   |                       | 戊二邪師病分二——普覺章（表 10）  |  |
|                  |                          |             | 丙三行方便分二——圓覺章（表 11）  |                       |                     |  |
|                  | 甲三流通分分四——賢善首章（表 12）      |             |   |                       |                     |  |

表 1：(1 表)【經文捲上】丙一示平等境分二——文殊章

| 科判            |        |        | 經文   |
|---------------|--------|--------|--|
| 丙一示平等境——文殊章分二 | 丁一長行分三 | 戊一啟請   | <p>於是文殊師利菩薩在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！</p> <p>願為此會諸來法眾，說於如來本起清淨因地法行；及說菩薩於大乘中發清淨心，遠離諸病！能使未來末世眾生求大乘者，不墮邪見”！</p> <p>作是語已，五體投地，如是三請，終而復始。</p>  |
|               |        | 戊二許聽   | <p>爾時、世尊告文殊師利菩薩言：</p> <p>“善哉！善哉！善男子！</p> <p>汝等乃能為諸菩薩，諮詢如來因地法行；及為末世一切眾生求大乘者，得正住持，不墮邪見。汝今諦聽！當為汝說”。</p> <p>時文殊師利菩薩奉教歡喜，及諸大眾默然而聽。</p>  |
|               |        | 己一總標   | <p>“善男子！無上法王有大陀羅尼門，名為圓覺，流出一切清淨真如，菩提，涅槃，及波羅蜜，教授菩薩。</p> <p>一切如來本起因地，皆依圓照清淨覺相，永斷無明，方成佛道。</p>  |
|               |        | 己二別說分二 | <p>云何無明？</p> <p>善男子！一切眾生從無始來，種種顛倒。猶如迷人，四方易處。妄認四大為自身相，六塵緣影為自心相。譬彼病目，見空中花及第二月。善男子！空實無花，病者妄執。由妄執故，非唯惑此虛空自性，亦復迷彼實花生處。由此妄有輪轉生死，故名無明。善男子！此無明者。非實有體。如夢中人，夢時非無，及至於醒，了無所得。如眾空花滅於虛空，不可說言有定滅處。何以故？無生處故。一切眾生於無生中妄見生滅，是故說名輪轉生死。</p> |
|               |        | 庚一別說無明 |  |
|               |        | 庚二別說覺相 | <p>善男子！</p> <p>如來因地修圓覺者，知是空花，即無輪轉，亦無身心受彼生死。</p> <p>非作故無，本性無故。彼知覺者，猶如虛空；知虛空者，即空花相；亦不可說無知覺性。有無俱遣，是則名為淨覺隨順。何以故？</p> <p>虛空性故，常不動故，如來藏中無起滅故，無知見故，如法界性究竟圓滿遍十方故。</p>  |
|               |        | 己三結答   | <p>是則名為因地法行。菩薩因此於大乘中，發清淨心；末世眾生依此修行，不墮邪見”！</p>  |
|               | 丁二偈頌   |        | <p>爾時，世尊欲重宣此義而說偈言：</p> <p>“文殊汝當知！一切諸如來，從於本因地，皆以智慧覺。了達於無明，知彼如空花，即能免流轉。</p> <p>又如夢中人，醒時不可得。覺者如虛空，平等不動轉，覺遍十方界，即得成佛道。眾幻滅無處，成道亦無得，本性圓滿故。</p> <p>菩薩於此中，能發菩提心；末世諸眾生，修此免邪見”！</p>   |

表 2：（1 表）【經文捲上】丁一示地上入佛地行分二——普賢章

| 科判               |        |      | 經文   |
|------------------|--------|------|--|
| 丁一示地上入佛地行分二——普賢章 | 戊一長行分三 | 己一啟請 | <p>於是普賢菩薩在大眾中，即從座起，頂禮佛足，右繞三匝，長跪叉手而白佛言：“大悲世尊！願為此會諸菩薩眾，及為末世一切眾生修大乘者，聞此圓覺清淨境界，云何修行？</p> <p>世尊！若彼眾生知如幻者，身心亦幻，云何以幻還修於幻？若諸幻性一切盡滅，則無有心，誰為修行？云何復說修行如幻？若諸眾生本不修行，於生死中常居幻化，曾不了知如幻境界，令妄想心云何解脫？願為末世一切眾生，作何方便漸次修習，令諸眾生永離諸幻”？</p> <p>作是語已，五體投地，如是三請，終而復始。</p> |
|                  |        | 己二許說 | <p>爾時、世尊告普賢菩薩言：“善哉！善哉！善男子！</p> <p>汝等乃能為諸菩薩及末世眾生，修習菩薩如幻三昧，方便漸次，令諸眾生得離諸幻，汝今諦聽，當為汝說”！</p> <p>時普賢菩薩奉教歡喜，及諸大眾，默然而聽。</p>   |
|                  |        | 庚一總標 | “善男子！一切眾生種種幻化，皆生如來圓覺妙心，猶如空花從空而有，幻花雖滅，空性不壞。   |
|                  |        | 庚二詳示 | <p>眾生幻心，還依幻滅；諸幻盡滅，覺心不動。依幻說覺，亦名為幻；若說有覺，猶未離幻；說無覺者，亦復如是。是故幻滅，名為不動。</p> <p>善男子！一切菩薩及末世眾生，應當遠離一切幻化虛妄境界；</p> <p>由堅執持遠離心故，心如幻者亦復遠離，遠離為幻亦復遠離，離遠離幻亦復遠離，得無所離，即除諸幻。譬如鑽火，兩木相因，火出木盡，灰飛煙滅，以幻修幻，亦復如是。諸幻雖盡，不入斷滅。</p>   |
|                  |        | 庚三結答 | <p>善男子！知幻即離，不作方便；離幻即覺，亦無漸次。</p> <p>一切菩薩及末世眾生，依此修行，如是乃能永離諸幻”！</p>   |
|                  | 戊二偈頌   |      | <p>爾時、世尊欲重宣此義而說偈言：</p> <p>“普賢汝當知！一切諸眾生，無始幻無明，皆從諸如來圓覺心建立。猶如虛空花，依空而有相，空花若覆滅，虛空本不動。幻從諸覺生，幻滅覺圓滿，覺心不動故。若彼諸菩薩，及末世眾生，常應遠離幻，諸幻悉皆離，如木中生火，木盡火還滅。覺則無漸次，方便亦如是”。</p>  |

表 3-1：（2 表）【經文捲上】丁二示地前入地上行分二——普眼章

| 科判               |        |                    | 經文  |
|------------------|--------|--------------------|---|
| 丁二示地前入地上行分二——普眼章 | 戊一長行分四 | 己一啟請               | <p>於是普眼菩薩在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！願為此會諸菩薩眾，及為末世一切眾生，演說菩薩修行漸次：云何思惟？云何住持？眾生未悟作何方便普令開悟？</p> <p>世尊！若彼眾生無正方便及正思惟，聞佛如來說此三昧，心生迷悶，則於圓覺不能悟入。願興慈悲，為我等輩及末世眾生，假說方便”。</p> <p>作是語已，五體投地，如是三請，終而復始。</p>  |
|                  |        | 己二許說               | <p>爾時、世尊告普眼菩薩言：</p> <p>“善哉！善哉！善男子！汝等乃能為諸菩薩及末世眾生，問於如來修行漸次，思惟住持，乃至假說種種方便。汝今諦聽，當為汝說”。</p> <p>時普眼菩薩奉教歡喜，及諸大眾默然而聽。</p>   |
|                  |        | 己三正說分三<br>庚一遠離無明之事 | <p>“善男子！彼新學菩薩及末世眾生，欲求如來淨圓覺心，應當正念遠離諸幻，先依如來奢摩他行，堅持禁戒，安處徒眾，晏坐靜室。</p> <p>恆作是念：我今此身四大和合，所謂：發、毛、爪、齒、皮、肉、筋、骨、髓、腦、垢色，皆歸於地；唾、涕、膿、血、津液、涎沫、痰、淚、精氣、大小便利，皆歸於水；暖氣歸火；動轉歸風。四大各離，今者妄身當在何處？即知此身畢竟無體，和合為相，實同幻化。四緣假合，妄有六根；</p> <p>六根、四大中外合成，妄有緣氣，於中積聚，似有緣相，假名為心。</p> <p>善男子！此虛妄心，若無六塵，則不能有。四大分解，無塵可得，於中緣塵各歸散滅，畢竟無有緣心可見。</p> |

表 3-2：(2 表)【經文捲上】丁二示地前入地上行分二——普眼章

|                  |        |  |            |  |
|------------------|--------|--|------------|--|
| 丁二示地前入地上行分二——普眼章 | 戊一長行分四 | 己三正說分三   | 庚一遠離無明之事   | <p>善男子！彼之眾生幻身滅故，幻心亦滅；幻心滅故，幻塵亦滅；幻塵滅故，幻滅亦滅；幻滅滅故，非幻不滅。譬如磨鏡，垢盡明現。</p> <p>善男子！當知身心皆為幻垢，垢相永滅，十方清淨。</p> <p>善男子！譬如清淨摩尼寶珠，映於五色，隨方各現。</p> <p>諸愚痴者，見彼摩尼實有五色。</p> <p>善男子！圓覺淨性，現於身心隨類各應，彼愚痴者，說淨圓覺，實有如是身心自相，亦復如是。由此不能遠於幻化：是故我說身心幻垢，對離幻垢，說名菩薩。垢盡對除，即無對垢及說名者。</p>  |
|                  |        |  | 庚二隨順圓覺之功分二 | <p>善男子！此菩薩及末世眾生，證得諸幻滅影像故，爾時便得無方清淨，無邊虛空覺所顯發。覺圓明故，顯心清淨；心清淨故，見塵清淨；見清淨故，眼根清淨；根清淨故，眼識清淨；識清淨故，聞塵清淨；聞清淨故，耳根清淨；根清淨故，耳識清淨；識清淨故，覺塵清淨。</p> <p>如是乃至鼻、舌、身、意，亦復如是。</p> <p>善男子！根清淨故，色塵清淨；色清淨故，聲塵清淨；香、味、觸、法亦復如是。</p> <p>善男子！六塵清淨故，地大清淨；地清淨故，水大清淨；火大、風大亦復如是。</p> <p>善男子！四大清淨故，十二處、十八界、二十五有清淨。</p> <p>彼清淨故，十力、四無所畏、四無礙智，佛十八不共法、三十七助道品清淨。如是乃至八萬四千陀羅尼門，一切清淨。</p> <p>善男子！一切實相性清淨故，一身清淨：一身清淨故，多身清淨；多身清淨故，如是乃至十方眾生圓覺清淨。</p> <p>善男子！一世界清淨故，多世界清淨；多世界清淨故，如是乃至盡於虛空，圓裹三世，一切平等，清淨不動。</p> |
|                  |        |  | 辛二事得理融     | <p>善男子！虛空如是平等不動，當知覺性平等不動；四大不動故，當知覺性平等不動；如是乃至八萬四千陀羅尼門平等不動，當知覺性平等不動。</p> <p>善男子！覺性遍滿清淨不動圓無際故，當知六根遍滿法界；根遍滿故，當知六塵遍滿法界；塵遍滿故，當知四大遍滿法界，如是乃至陀羅尼門遍滿法界。</p> <p>善男子！由彼妙覺性遍滿故，根性、塵性、無壞無雜；根塵無壞故，如是乃至陀羅尼門無壞無雜。如百千燈，光照一室，其光遍滿，無壞無雜。</p>   |
|                  |        |  | 庚三覺心成就之相   | <p>善男子！覺成就故，當知菩薩不與法縛，不求法脫，不厭生死，不愛涅槃，不敬持戒，不憎毀禁，不重久習，不輕初學。何以故？一切覺故。譬如眼光，曉了前境，其光圓滿，得無憎愛。何以故？光體無二，無憎愛故。</p> <p>善男子！此菩薩及末世眾生，修習此心得成就者，於此無修亦無成就，圓覺普照，寂滅無二。</p> <p>於中百千萬億阿僧祇不可說恆河沙諸佛世界，猶如空花亂起亂滅，不即不離，無縛無脫，始知眾生本來成佛，生死、涅槃猶如昨夢。</p> <p>善男子！如昨夢故，當知生死及與涅槃，無起無滅，無來無去。</p> <p>其所證者，無得無失，無取無舍；其能證者，無作無止，無任無滅。於此證中，無能無所，畢竟無證，亦無證者：一切法性平等不壞。</p>  |
|                  |        |  | 己四結說       | <p>善男子！彼諸菩薩如是修行，如是漸次，如是思惟，如是住持，如是方便，如是開悟，求如是法，亦不迷悶”。</p>   |
|                  | 戊二偈頌   | <p>爾時、世尊欲重宣此義，而說偈言：</p> <p>“普眼汝當知！一切諸眾生，身心皆如幻。身相屬四大，心性歸六塵；四大體各離，誰為和合者？如是漸修行，一切悉清淨。</p> <p>不動遍法界，無作、止、任、滅，亦無能證者。一切佛世界，猶如虛空花，三世悉平等，畢竟無來去。初發心菩薩，及末世眾生，欲求入佛道，應如是修習”。</p> |            |  |

表 4：(1 表)【經文捲上】丁一自悟境分二——金剛藏章

| 科判            |        | 經文           |   |
|---------------|--------|--------------|---|
| 丁一自悟境分二——金剛藏章 | 戊一長行分四 | 己一啟請         | <p>於是金剛藏菩薩，在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！善為一切諸菩薩眾，宣揚如來圓覺清淨大陀羅尼，因地法行，漸次方便，與諸眾生開發矇昧；</p> <p>在會法眾，承佛慈誨，幻翳朗然，慧目清淨。</p> <p>世尊！若諸眾生本來成佛，何故復有一切無明？</p> <p>若諸無明眾生本有，何因緣故如來複說本來成佛？</p> <p>十方異生，本成佛道後起無明；一切如來何時復生一切煩惱？</p> <p>惟願不捨無遮大慈，為諸菩薩開秘密藏，及為末世一切眾生，得聞如是修多羅教了義法門，永斷疑悔”！</p> <p>作是語已，五體投地，如是三請，終而復始。</p> |
|               |        | 己二許說         | <p>爾時、世尊告金剛藏菩薩言：</p> <p>“善哉！善哉！善男子！汝等乃能為諸菩薩及末世眾生，問於如來甚深秘密究竟方便；是諸菩薩最上教誨，了義大乘；</p> <p>能使十方修學菩薩及諸末世一切眾生，得決定信，永斷疑悔。</p> <p>汝今諦聽！當為汝說”。</p> <p>時金剛藏菩薩奉教歡喜，及諸大眾，默然而聽。</p>   |
|               |        | 庚一就遍計執以明妄不到真 | <p>“善男子！一切世界始終生滅，前後有無，聚散起止，念念相續，循環往復，種種取捨，皆是輪迴。</p> <p>未出輪迴而辯圓覺，彼圓覺性即同流轉。</p> <p>若免輪迴，無有是處。譬如動目，能搖湛水。</p> <p>又如定眼，由迴轉火，雲駛月運，舟行岸移，亦復如是。</p> <p>善男子！諸旋未息，彼物先住尚不可得，何況輪轉生死垢心，曾未清淨，觀佛圓覺而不旋復！是故汝等，便生三惑。</p>   |
|               |        | 己三正說分四       |   |
|               |        | 庚二就圓成實以明真不成妄 | <p>善男子！譬如幻翳妄見空花，幻翳若除，不可說言此翳已滅，何時更起一切諸翳。</p> <p>何以故？翳、花二法非相待故。</p> <p>亦如空花滅於空時，不可說言虛空何時更起空花。</p> <p>何以故？空本無花，非起滅故。</p> <p>生死、涅槃同於起、滅，妙覺圓照，離於花翳。</p> <p>善男子！當知虛空，非是暫有，亦非暫無，況復如來圓覺隨順而為虛空平等本性！</p>  |
|               |        | 庚三就依他起以明銷妄成真 | <p>善男子！如銷金礦，金非銷有，既已成金，不重為礦。經無窮時，金性不壞，不應說言本非成就；如來圓覺，亦復如是。</p>  |
|               |        | 庚四開示正見而正勸息妄  | <p>善男子！一切如來妙圓覺心，本無菩提及與涅槃，亦無成佛及不成佛，無妄輪迴及非輪迴。</p> <p>善男子！但諸聲聞所圓境界，身心、語言，皆悉斷滅，終不能至彼之親證所現涅槃。何況能以有思惟心，測度如來圓覺境界！</p> <p>如取螢火燒須彌山，終不能著。</p> <p>以輪迴心，生輪迴見，入於如來大寂滅海，終不能至。</p> <p>是故我說：一切菩薩及末世眾生，先斷無始輪迴根本。</p> <p>善男子！有作思惟從有心起，皆是六塵妄想緣氣，非實心體，已如空花。用此思惟辯於佛境，猶如空花復結空果，展轉妄想，無有是處。</p>  |
|               |        | 己四結斥         | <p>善男子！虛妄浮心，多諸巧見，不能成就圓覺方便。</p> <p>如是分別，非為正問”！</p>   |
|               | 戊二偈頌   |              | <p>爾時、世尊欲重宣此義而說偈言：</p> <p>“金剛藏當知！如來寂滅性，未曾有終始。若以輪迴心，思惟即旋復！但至輪迴際，不能入佛海。</p> <p>譬如銷金礦，金非銷故有，雖復本來金，終以銷成就。</p> <p>一成真金體，不復重為礦。生死與涅槃，凡夫及諸佛，同為空花相，思惟猶幻化，何況詰虛妄。若能了此心，然後求圓覺”。</p>  |

表 5：(1 表)【經文捲上】丁二悟他境分二——彌勒章

| 科判           |        | 經文   |
|--------------|--------|--|
| 丁二悟他境分二——彌勒章 | 戊一長行分四 | <p>於是彌勒菩薩，在大眾中，即從座起，頂禮佛足，右繞三匝，長跪叉手，而白佛言：</p> <p>“大悲世尊！廣為菩薩開秘密藏，令諸大眾深悟輪迴，分別邪正；能施末世一切眾生無畏道眼，於大涅槃生決定信，無復重隨輪轉境界起循環見。世尊！若諸菩薩及末世眾生，欲遊如來大寂滅海，云何當斷輪迴根本？於諸輪迴有幾種性？修佛菩提幾等差別？</p> <p>回入塵勞，當設幾種教化方便度諸眾生？惟願不捨救世大悲，令諸修行一切菩薩及末世眾生，慧目肅清，照耀心鏡，圓悟如來無上知見”！</p> <p>作是語已，五體投地，如是三請，終而復始。</p>   |
|              |        | <p>爾時、世尊告彌勒菩薩言：</p> <p>“善哉！善哉！善男子！汝等乃能為諸菩薩及末世眾生，請問如來深奧秘密微妙之義，令諸菩薩潔清慧目，及令一切末世眾生永斷輪迴，心悟實相，具無生忍。汝今諦聽！當為汝說”。</p> <p>時彌勒菩薩奉教歡喜，及諸大眾，默然而聽。</p>   |
|              |        | <p>庚一答輪迴根本問</p> <p>“善男子！一切眾生，從無始際，由有種種恩愛貪慾，故有輪迴。若諸世間一切種性，卵生、胎生、溼生、化生，皆因淫慾而正性命。當知輪迴，愛為根本。</p> <p>由有諸欲，助發愛性，是故能令生死相續。欲因愛生，命因欲有，眾生愛命，還依欲本。愛慾為因，愛命為果。</p>  |
|              |        | <p>庚二答輪迴有幾種性問</p> <p>由於欲境，起諸違順。境背愛心而生憎嫉，造種種業，是故復生地獄。餓鬼。知欲可厭，愛厭業道，舍惡樂善，復現天、人。</p> <p>又知諸愛可厭惡故，棄愛樂舍，還滋愛本，便現有為增上善果。皆輪迴故，不成聖道。</p> <p>是故眾生欲脫生死，免諸輪迴，先斷貪慾，及除渴愛。</p> <p>善男子！菩薩變化示現世間，非愛為本；但以慈悲令彼舍愛，假諸貪慾而入生死。</p>   |
|              | 己三正答分四 | <p>庚三答修佛菩提幾等差別問</p> <p>若諸末世一切眾生，能捨諸欲及除憎愛，永斷輪迴，勤求如來圓覺境界，於清淨心便得開悟。</p> <p>善男子！一切眾生，由本貪慾，發揮無明，顯出五性差別不等，依二種障而現深淺。</p> <p>云何二障？一者、理障，礙正知見。二者、事障，續諸生死。</p> <p>云何五性？善男子！若此二障未得斷滅，名未成佛。</p> <p>若諸眾生永舍貪慾，先除事障，未斷理障；但能悟入聲聞、緣覺，未能顯住菩薩境界。</p> <p>善男子！若諸末世一切眾生，欲泛如來大圓覺海，先當發願，勤斷二障。二障已伏，即能悟入菩薩境界。</p> <p>若事理障已永斷滅，即入如來微妙圓覺，滿足菩提及大涅槃。</p> <p>善男子！一切眾生皆證圓覺，逢善知識，依彼所作因地法行，爾時修習，便有頓漸：若遇如來無上菩提正修行路，根無大小，皆成佛果。若諸眾生，雖求善友，遇邪見者，未得正悟，是則名為外道種性；邪師過謬，非眾生咎。是名眾生五性差別。</p> |
|              |        | <p>庚四答回入塵勞度生方便問</p> <p>善男子！菩薩唯以大悲方便，入諸世間，開發未悟，乃至示現種種形相，逆順境界，與其同事。化令成佛，皆依無始清淨願力。</p>  |
|              | 己四勸修   | <p>若諸末世一切眾生，於大圓覺起增上心，當發菩薩清淨大願！應作是言：</p> <p>‘願我今者，住佛圓覺，求善知識，莫值外道及與二乘。</p> <p>依願修行，漸斷諸障，障盡願滿，便登解脫清淨法殿，證大圓覺妙莊嚴域’”。</p>  |
|              | 戊二偈頌   | <p>爾時、世尊欲重宣此義而說偈言：</p> <p>“彌勒汝當知！一切諸眾生，不得大解脫，皆由貪慾故，墮落於生死！若能斷憎愛，及與貪嗔痴，不因差別性，皆得成佛道。</p> <p>二障永消滅，求師得正悟，隨順菩薩願，依止大涅槃。十方諸菩薩，皆以大悲願，示現入生死。現在修行者，及末世眾生，勤斷諸愛見，便歸大圓覺”。</p>   |

表 6: (1 表)【經文捲上】丁一行位分二——清淨慧章

| 科判           |        | 經文  |  |
|--------------|--------|---|--|
| 丁一行位分二——清淨慧章 | 戊一長行分三 | 己一啟請  | <p>於是清淨慧菩薩，在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！為我等輩廣說如是不思議事，本所不見，本所不聞。</p> <p>我等今者，蒙佛善誘，身心泰然，得大饒益。願為諸來一切法眾，重宣法王圓滿覺性，一切眾生及諸菩薩、如來世尊所證所得，云何差別？</p> <p>令末世眾生，聞此聖教，隨順開悟，漸次能入”。</p> <p>作是語已，五體投地，如是三請，終而復始。</p>   |
|              |        | 己二許說  | <p>爾時、世尊告清淨慧菩薩言：“善哉！善哉！善男子！</p> <p>汝等乃能為末世眾生，請問如來漸次差別，汝今諦聽！當為汝說”。</p> <p>時清淨慧菩薩奉教歡喜，及諸大眾，默然而聽。</p>   |
|              |        | 庚一總顯  | <p>“善男子！圓覺自性，非性性有，循諸性起，無取無證，於實相中，實無菩薩及諸眾生。</p> <p>何以故？菩薩眾生皆是幻化，幻化滅故，無取證者。</p> <p>譬如眼根不自見眼，性自平等，無平等者。</p> <p>眾生迷倒，未能除滅一切幻化，於滅未滅妄功用中便顯差別。</p> <p>若得如來寂滅隨順，實無寂滅及寂滅者。</p>  |
|              |        | 辛一答由生至佛之漸次差別  | <p>善男子！一切眾生，從無始來，由妄想我及愛我者，曾不自知念念生滅，故起憎愛，耽著五欲。</p> <p>若遇善友，教令開悟淨圓覺性，發明起滅，即知此生性自勞慮。</p> <p>若復有人勞慮永斷，得法界淨，即彼淨解為自障礙，故於圓覺而不自在，此名凡夫隨順覺性。</p> <p>善男子！一切菩薩見解為礙，雖斷解礙，猶住見覺，覺礙為礙而不自在，此名菩薩未入地者隨順覺性。</p> <p>善男子！有照有覺，俱名障礙。</p> <p>是故菩薩，常覺不住，照與照者同時寂滅。</p> <p>譬如有人自斷其首，首已斷故，無能斷者；</p> <p>則以礙心自滅諸礙，礙已斷滅，無滅礙者。</p> <p>修多羅教，如標月指，若復見月，了知所標畢竟非月；</p> <p>一切如來種種言說開示菩薩，亦復如是。</p> <p>此名菩薩已入地者隨順覺性。</p> <p>善男子！一切障礙即究竟覺，得念失念無非解脫，成法破法皆名涅槃，智慧愚痴通為般若，菩薩外道所成就法同是菩提，無明真如無異境界，諸戒定慧及淫怒痴俱是梵行，眾生國土同一法性，地獄天宮皆為淨土，有性無性齊成佛道，一切煩惱畢竟解脫，法界海慧，照了諸相，猶如虛空，此名如來隨順覺性。</p> |
|              |        | 辛二明頓根無層次之隨順   | <p>善男子！但諸菩薩及末世眾生，居一切時不起妄念，於諸妄心亦不息滅，住妄想境不加了知，於無了知不辯真實。</p> <p>彼諸眾生聞是法門，信解、受持不生驚畏，是則名為隨順覺性。</p> <p>善男子！汝等當知：如是眾生，已曾供養百千萬億恆河沙諸佛及大菩薩，植眾德本，佛說是人名為成就一切種智”。</p>   |
|              | 戊二偈頌   | <p>爾時、世尊欲重宣此義而說偈言：</p> <p>“清淨慧當知！圓滿菩提性，無取亦無證，無菩薩、眾生，覺與未覺時；</p> <p>漸次有差別。眾生為解礙，菩薩未離覺，入地永寂滅，不住一切相。</p> <p>大覺悉圓滿，名為遍隨順。末世諸眾生，心不生虛妄。</p> <p>佛說如是人，現世即菩薩。</p> <p>供養恆沙佛，功德已圓滿，雖有多方便，皆名隨順智”。</p> |  |

表 7：（1 表）【經文卷下】戊一單法門分二——威德自在章

| 科判             |        | 經文  |   |
|----------------|--------|---|---|
| 戊一單法門分二——威德自在章 | 己一長行分三 | 庚一啟請  | <p>於是威德自在菩薩，在大眾中，即從座起，頂禮佛足，右繞三匝，長跪叉手而白佛言：“大悲世尊！廣為我等分別如是隨順覺性，令諸菩薩覺心光明，承佛圓音，不因修習而得善利。</p> <p>“世尊！譬如大城，外有四門，隨方來者，非止一路；一切菩薩莊嚴佛國及成菩提，非一方便。唯願世尊廣為我等宣說一切方便漸次，並修行人總有幾種！令此會菩薩及末世眾生求大乘者，速得開悟，遊戲如來大寂滅海”。</p> <p>作是語已，五體投地，如是三請，終而復始。</p> |
|                |        | 庚二許說  | <p>爾時、世尊告威德自在菩薩言：“善哉！善哉！善男子！汝等乃能為諸菩薩及末世眾生，問於如來如是方便！汝今諦聽！當為汝說”。</p> <p>時威德自在菩薩奉教歡喜，及諸大眾，默然而聽。</p>  |
|                |        | 庚三正說分四  | 辛一總標  |
|                |        |   | 壬一奢摩他   |
|                |        |   | 壬二摩鉢提   |
|                |        |   | 壬三禪那  |
|                |        | 辛三結說  | <p>善男子！此三法門，皆是圓覺親近隨順，十方如來因此成佛，十方菩薩種種方便一切同異，皆依如是三種事業。若得圓證，即成圓覺。</p>  |
|                |        | 辛四顯利  | <p>善男子！假使有人修於聖道，教化成就百千萬億阿羅漢、辟支佛果，不如有人聞此圓覺無礙法門，一剎那頃隨順修習”。</p>  |
|                | 己二偈頌   | <p>爾時、世尊欲重宣此義而說偈言：</p> <p>“威德汝當知！無上大覺心，本際無二相；隨順諸方便，其數即無量。如來總開示，便有三種類：寂靜奢摩他，如鏡照諸像；如幻三摩提，如苗漸增長；禪那唯寂滅，如彼器中錙。三種妙法門，皆是覺隨順。十方諸如來，及諸大菩薩，因此得成道；三事圓證故，名究竟涅槃。</p> |   |

表 8-1：（2 表）【經文卷下】戊二復法門分二——辯音章

| 科判           |        | 經文  |  |
|--------------|--------|---|--|
| 戊二復法門分二——辯音章 | 己一長行分三 | 庚一啟請  | <p>於是辯音菩薩在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！如是法門，甚為希有！世尊！此諸方便！一切菩薩於圓覺門有幾修習？願為大眾及末世眾生，方便開示，令悟實相”。</p> <p>作是語已，五體投地，如是三請，終而復始。</p> |
|              |        | 庚二許說  | <p>爾時、世尊告辯音菩薩言：“善哉！善哉！善男子！汝等乃能為諸大眾及末世眾生，問於如來如是修習。汝今諦聽！當為汝說”。</p> <p>時辯音菩薩奉教歡喜，及諸大眾，默然而聽。</p>   |
|              |        | 庚三正答分二  | 辛一總標   |
|              |        |   | 壬一明單修  |
|              | 己二偈頌   | <p>“善男子！一切如來圓覺清淨，本無修習及修習者。一切菩薩及末世眾生，依於未覺幻力修習，爾時便有二十五種清淨定輪。</p> <p>若諸菩薩唯取極靜，由靜力故永斷煩惱，究竟成就，不起於座便入涅槃。此菩薩者，名單修奢摩他。若諸菩薩唯觀如幻，以佛力故變化世界種種作用，備行菩薩清淨妙行，於陀羅尼不失寂念及諸靜慧。此菩薩者，名單修三摩鉢提。若諸菩薩唯滅諸幻，不取作用，獨斷煩惱，煩惱斷盡，便證實相。此菩薩者，名單修禪那。</p> |  |



表 8-2：(2 表)【經文卷下】戊二復法門分二——辯音章

|              |        |        |        |         |            |   |
|--------------|--------|--------|--------|---------|------------|---|
| 戊二復法門分二——辯音章 | 己一長行分三 | 庚三正答分二 | 辛二別說分三 | 壬二明覆修分三 | 癸一以止為首之復修  | <p>若諸菩薩先取至靜，以靜慧心照諸幻者，便於是中起菩薩行。此菩薩者，名先修奢摩他，後修三摩鉢提。</p> <p>若諸菩薩，以靜慧故證至靜性，便斷煩惱，永出生死。此菩薩者，名先修奢摩他，後修禪那。</p> <p>若諸菩薩以寂靜慧，復現幻力，種種變化度諸眾生，後斷煩惱而入寂滅。此菩薩者，名先修奢摩他，中修三摩鉢提，後修禪那。</p> <p>若諸菩薩以至靜力，斷煩惱已，後起菩薩清淨妙行，度諸眾生。此菩薩者，名先修奢摩他，中修禪那，後修三摩鉢提。</p> <p>若諸菩薩以至靜力，心斷煩惱，復度眾生，建立世界。此菩薩者，名先修奢摩他，齊修三摩鉢提、禪那。</p> <p>若諸菩薩以至靜力，資發變化，後斷煩惱。此菩薩者，名齊修奢摩他、三摩鉢提，後修禪那。</p> <p>若諸菩薩以至靜力，用資寂滅，後起作用，變化世界。此菩薩者，名齊修奢摩他、禪那，後修三摩鉢提。</p> |
|              |        |        |        |         | 癸二以觀為首之復修  | <p>若諸菩薩以變化力，種種隨順而取至靜。此菩薩者，名先修三摩鉢提，後修奢摩他。</p> <p>若諸菩薩以變化力，種種境界而取寂滅。此菩薩者，名先修三摩鉢提，後修禪那。</p> <p>若諸菩薩以變化力而作佛事，安住寂靜而斷煩惱。此菩薩者，名先修三摩鉢提，中修奢摩他，後修禪那。</p> <p>若諸菩薩以變化力無礙作用，斷煩惱故，安住至靜。此菩薩者，名先修三摩鉢提，中修禪那，後修奢摩他。</p> <p>若諸菩薩以變化力方便作用，至靜，寂滅二俱隨順。此菩薩者，名先修三摩鉢提，齊修奢摩他、禪那。</p> <p>若諸菩薩以變化力種種起用，資於至靜，後斷煩惱。此菩薩者，名齊修三摩鉢提、奢摩他，後修禪那。</p> <p>若諸菩薩以變化力資於寂滅，後住清淨無作靜慮。此菩薩者，名齊修三摩鉢提、禪那，後修奢摩他。</p>                             |
|              |        |        |        |         | 癸三以禪那為首之復修 | <p>若諸菩薩以寂滅力而起至靜，住於清淨。此菩薩者，名先修禪那，後修奢摩他。</p> <p>若諸菩薩以寂滅力而起作用，於一切境寂用隨順。此菩薩者，名先修禪那，後修三摩鉢提。</p> <p>若諸菩薩以寂滅力種種自性，安於靜慮而起變化。此菩薩者，名先修禪那，中修奢摩他，後修三摩鉢提。</p> <p>若諸菩薩以寂滅力無作自性，起於作用，清淨境界，歸於靜慮。此菩薩者，名先修禪那，中修三摩鉢提，後修奢摩他。</p> <p>若諸菩薩以寂滅力種種清淨，而住靜慮起於變化。此菩薩者，名先修禪那，齊修奢摩他、三摩鉢提。</p> <p>若諸菩薩以寂滅力資於至靜，而起變化。此菩薩者，名齊修禪那、奢摩他，後修三摩鉢提。</p> <p>若諸菩薩以寂滅力資於變化，而起至靜清明境慧。此菩薩者，名齊修禪那、三摩鉢提，後修奢摩他。</p>                            |
|              |        |        |        |         | 壬三明圓修      | <p>若諸菩薩以圓覺慧圓合一切，於諸性相無離覺性。此菩薩者，名為圓修三種自性，清淨隨順。</p>  |
|              |        |        |        |         | 辛三結示依輪修習之方 | <p>善男子！是名菩薩二十五輪，一切菩薩修行如是。</p> <p>若諸菩薩及末世眾生依此輪者，當持梵行，寂靜思惟，求哀懺悔。經三七日，於二十五輪各安標記，至心求哀，隨手結取，依結開示，便知頓漸。一念疑悔，即不成就”。</p>  |
|              |        |        |        |         | 己二偈頌       | <p>爾時、世尊欲重宣此義而說偈言：“辯音汝當知！一切諸菩薩，無礙清淨慧，皆依禪定生：所謂奢摩他，三摩提，禪那。三法頓漸修，有二十五種。</p> <p>十方諸如來，三世修行者，無不因此法，而得成菩提。唯除頓覺人，並法不隨順。一切諸菩薩，及末世眾生，常當持此輪，隨順勤修習；依佛大悲力，不久證涅槃。</p>  |

表 9：(1 表)【經文卷下】戊一自心病分二——淨諸業障章

| 科判             |        |               | 經文  |
|----------------|--------|---------------|---|
| 戊一自心病分二——淨諸業障章 | 己一長行分三 | 庚一啟請          | 於是淨諸業障菩薩，在大眾中，即從座起，頂禮佛足，右繞三匝，長跪叉手而白佛言：“大悲世尊！為我等輩廣說如是不思議事，一切如來因地行相，令諸大眾得未曾有。睹見調御，歷恆沙劫勤苦境界，一切功用，猶如一念，我等菩薩深自慶慰。世尊！若此覺心本性清淨，因何染汙，使諸眾生迷悶不入？唯願如來廣為我等開悟法性，令此大眾及末世眾生，作將來眼”。<br>作是語已，五體投地，如是三請，終而復始。   |
|                |        |               | 爾時、世尊告淨諸業障菩薩言：“善哉！善哉！善男子！汝等乃能為諸大眾及末世眾生，諮問如來如是方便，汝今諦聽！當為汝說”。<br>時淨諸業障菩薩，奉教歡喜，及諸大眾，默然而聽。  |
|                |        | 辛一正明四相為迷悶所因分二 | 壬一總明四相<br>“善男子！一切眾生，從無始來，妄想執有我、人、眾生及與壽命。認四顛倒為實我體，由此便生憎、愛二境，於虛妄體重執虛妄；二妄相依，生妄業道；有妄業故，妄見流轉；厭流轉者，妄見涅槃。由此不能入清淨覺，非覺違拒諸能入者。有諸能入，非覺入故。是故動念及與息念，皆歸迷悶。何以故？由有無始本起無明，為己主宰，一切眾生生無慧目，身心等性皆是無明。譬如有人不自斷命。是故當知：有我愛者，我與隨順；非隨順者，便生憎怨。為憎愛心養無明故，相續求道，皆不成就。   |
|                |        |               | 壬二詳明四相<br>善男子！云何我相？謂諸眾生心所證者。善男子！譬如有人，百骸調適，忽忘我身，四肢弦緩，攝養乖方；微加針艾，即知有我，是故證取方現我體。善男子！其心乃至證於如來，畢竟了知清淨涅槃，皆是我相。<br>善男子！云何人相？謂諸眾生，心悟證者。善男子！悟有我者，不復認我，所悟非我，悟亦如是。悟已超過一切證者，悉為人相。<br>善男子！其心乃至圓悟涅槃俱是我者，心存少悟，備殫證理，皆名人相。善男子！云何眾生相？謂諸眾生心自證悟所不及者。<br>善男子！譬如有人，作如是言：我是眾生，則知彼人說眾生者，非我非彼。云何非我？我是眾生，則非是我。云何非彼？我是眾生，非彼我故。<br>善男子！但諸眾生了證了悟，皆為我、人，而我、人相所不及者？存有所了，名眾生相。善男子！云何壽命相？謂諸眾生心照清淨覺所了者。一切業智所不自見，猶如命根。善男子！若心照見一切覺者，皆為塵垢。覺所覺者，不離塵故。如湯銷冰，無別有冰知冰銷者；存我、覺我，亦復如是。   |
|                |        | 辛二結示四相為修行之病患  | 善男子！末世眾生不了四相，雖經多劫勤苦修道，但名有為，終不能成一切聖果，是故名為正法末世。何以故？認一切我為涅槃故；有證有悟名成就故。譬如有人，認賊為子，其家財寶，終不成就。<br>何以故？有我愛者，亦愛涅槃，伏我愛根為涅槃相。有憎我者，亦憎生死，不知愛者真生死故，別憎生死名不解脫。云何當知法不解脫？<br>善男子！彼末世眾生習菩提者，以己微證為自清淨，猶未能盡我相根本。若復有人讚歎彼法，即生歡喜，便欲濟度；若復誹謗彼所得者，便生嗔恨：則知我相堅固執持，潛伏藏識，遊戲諸根，曾不間斷。<br>善男子！彼修道者，不除我相，是故不能入清淨覺。善男子！若知我空，無毀我者；有我說法，我未斷故。眾生、壽命，亦復如是。<br>善男子！末世眾生說病為法，是故名為可憐憫者！<br>雖勤精進，增益諸病，是故不能入清淨覺。善男子！末世眾生不了四相，以如來解及所行處為自修行，終不成就。或有眾生，未得謂得，未證謂證，見勝進者，心生嫉妒。由彼眾生未斷我愛，是故不能入清淨覺。<br>善男子！末世眾生希望成道，無令求悟，唯益多聞，增長我見。<br>但當精勤降伏煩惱，起大勇猛，未得令得，未斷令斷，貪、嗔、愛、慢、諂曲、嫉妒對境不生，彼我恩愛一切寂滅。佛說是人，漸次成就，求善知識，不墮邪見。若於所求別生憎愛，則不能入清淨覺海”。 |
|                |        | 己二偈頌          | 爾時、世尊欲重宣此義而說偈言：“淨業汝當知！一切諸眾生，皆由執我愛，無始妄流轉。未除四種相，不得成菩提。愛憎生於心，諂曲存諸念，是故多迷悶，不能入覺城。若能歸悟刹，先去貪、嗔、痴，法愛不存心，漸次可成就。我身本不有，憎愛何由生？此人求善友，終不墮邪見。所求別生心，究竟非成就。  |

表 10：(1 表)【經文卷下】戊二邪師病分二——普覺章

| 科判           |        | 經文   |
|--------------|--------|--|
| 戊二邪師病分二——普覺章 | 己一長行分三 | <p>庚一 啟請</p> <p>於是普覺菩薩在大眾中，即從座起，頂禮佛足，右繞三匝，長跪叉手而白佛言：<br/> “大悲世尊！快說禪病，令諸大眾得未曾有，心意蕩然，獲大安隱。世尊！末世眾生，去佛漸遠，賢聖隱伏，邪法增熾，使諸眾生：求何等人？依何等法？行何等行？除去何病？云何發心？令彼群盲不墮邪見”！<br/> 作是語已，五體投地，如是三請，終而復始。</p>   |
|              |        | <p>庚二 許說</p> <p>爾時、世尊告普覺菩薩言：<br/> “善哉！善哉！善男子！汝等乃能諮問如來如是修行，能施末世，一切眾生，無畏道眼；令彼眾生得成聖道。汝今諦聽！當為汝說”。<br/> 時普覺菩薩奉教歡喜，及諸大眾，默然而聽。</p>  |
|              |        | <p>辛一 應求之人</p> <p>“善男子！末世眾生將發大心，求善知識欲修行者，當求一切正知見人。心不住相，不著聲聞、緣覺境界，雖現塵勞，心恆清淨。示有諸過，讚歎梵行，不令眾生入不律儀。求如是人，即得成就阿耨多羅三藐三菩提。末世眾生見如是人，應當供養，不惜身命。彼善知識四威儀中，常現清淨，乃至示現種種過患，心無憍慢，況復搏財，妻子眷屬？若善男子於彼善友不起惡念，即能究竟成就正覺，心花發明，照十方刹。</p>   |
|              |        | <p>辛二 依之法</p> <p>善男子！彼善知識所證妙法，應離四病。<br/> 云何為四？<br/> 一者、作病：若復有人作如是言：<br/> 我於本心作種種行，欲求圓覺，彼圓覺性非作得故，說名為病。<br/> 二者、任病：若復有人作如是言：<br/> 我等今者不斷生死，不求涅槃，涅槃生死無起滅念，任彼一切，隨諸法性，欲求圓覺。彼圓覺性非任有故，說名為病。<br/> 三者、止病：若復有人作如是言：<br/> 我今自心永息諸念，得一切性寂然平等，欲求圓覺。<br/> 彼圓覺性非止合故，說名為病。<br/> 四者、滅病：若復有人作如是言：<br/> 我今永斷一切煩惱，身心畢竟空無所有，何況根塵虛妄境界？一切永寂，欲求圓覺。彼圓覺性非寂相故，說名為病。<br/> 離四病者，則知清淨。<br/> 作是觀者，名為正觀；若他觀者，名為邪觀。</p> |
|              |        | <p>辛三 行何等行</p> <p>善男子！末世眾生欲修行者，應當盡命供養善友，事善知識。彼善知識欲來親近，應斷憍慢；若復遠離，應斷嗔恨。現逆順境，猶如虛空。了知身心畢竟平等，與諸眾生同體無異。如是修行，方入圓覺。</p>  |
|              |        | <p>辛四 應除之病</p> <p>善男子！末世眾生不得成道，由有無始自他憎愛一切種子，故未解脫。若復有人觀彼怨家，如己父母，心無有二，即除諸病；於諸法中自他、憎愛，亦復如是。</p>   |
|              |        | <p>辛五 云何發心</p> <p>善男子！末世眾生欲求圓覺，應當發心作如是言：<br/> 盡於虛空一切眾生，我皆令入究竟圓覺，於圓覺中無取覺者，除彼我人一切諸相。如是發心，不墮邪見”。</p>  |
|              | 己二偈頌   | <p>爾時、世尊欲重宣此義而說偈言：<br/> “普覺汝當知！末世諸眾生，欲求善知識，應當求正見。<br/> 心遠二乘者，法中除四病，謂作、止、任、滅。<br/> 親近無憍慢，遠離無嗔恨，見種種境界，心當生希有，還如佛出世。<br/> 不犯非律儀，戒根永清淨。<br/> 度一切眾生，究竟入圓覺，無彼我人相，當依正智慧，便得超邪見，證覺般涅槃”。</p>  |

表 11：(1 表)【經文卷下】丙三行方便分二——圓覺章

| 科判           |        | 經文     |   |
|--------------|--------|--------|---|
| 丙三行方便分二——圓覺章 | 丁一長行分三 | 戊一啟請   | <p>於是圓覺菩薩，在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！為我等輩廣說淨覺種種方便，令末世眾生有大增益。</p> <p>世尊！我等今者已得開悟，若佛滅後末世眾生未得悟者，云何安居修此圓覺清淨境界？</p> <p>此圓覺中三種淨觀，以何為首？</p> <p>惟願大悲，為諸大眾及末世眾生，施大饒益”！</p> <p>作是語已，五體投地，如是三請，終而復始。</p>   |
|              |        | 戊二許說   | <p>爾時、世尊告圓覺菩薩言：“善哉！善哉！善男子！</p> <p>汝等乃能問於如來如是方便，以大饒益施諸眾生。汝今諦聽！當為汝說”。</p> <p>時圓覺菩薩奉教歡喜，及諸大眾，默然而聽。</p>   |
|              |        | 己一道場行相 | <p>“善男子！一切眾生，若佛住世，若佛滅後，若法末時，有諸眾生具大乘性，信佛秘密大圓覺心欲修行者，若在伽藍，安處徒眾，有緣事故，隨分思察，如我已說。</p> <p>若復無有他事因緣，即建道場，當立期限：</p> <p>若立長期百二十日，中期百日，下期八十日，安置淨居。</p> <p>若佛現在，當正思惟。若佛滅後，施設形像，心存目想，生正憶念，還同如來常住之日。懸諸幡花，經三七日。</p> <p>稽首十方諸佛名字，求哀懺悔。遇善境界，得心輕安，過三七日，一向攝念。</p> <p>若經夏首，三月安居，當為清淨菩薩止住，心離聲聞，不假徒眾。</p> <p>至安居日，即於佛前作如是言：</p> <p>我比丘——比丘尼、優婆塞、優婆夷——某甲，踞菩薩乘，修寂滅行，同入清淨實相住持，以大圓覺為我伽藍，身心安居平等性智，涅槃自性無系屬故。</p> <p>今我敬請，不依聲聞，當與十方如來及大菩薩三月安居，為修菩薩無上妙覺大因緣故，不繫徒眾。</p> <p>善男子！此名菩薩示現安居，過三期日，隨往無礙。</p>  |
|              |        | 戊三正答分二 | <p>善男子！若彼末世修行眾生，求菩薩道入三期者，非彼所聞一切境界，終不可取。</p> <p>善男子！若諸眾生修奢摩他，先取至靜，不起思念，靜極便覺；</p> <p>如是初靜，從於一身至一世界，覺亦如是。</p> <p>善男子！若覺遍滿一世界者，一世界中有一眾生起一念者，皆悉能知；</p> <p>百千世界，亦復如是。非彼所聞一切境界，終不可取。</p> <p>善男子！若諸眾生修三摩鉢提，先當憶想十方如來，十方世界一切菩薩，依種種門，漸次修行勤苦三昧，廣發大願，自燻成種。</p> <p>非彼所聞一切境界，終不可取。</p> <p>善男子！若諸眾生修於禪那，先取數門。</p> <p>心中了知生住滅念分劑頭數。</p> <p>如是周遍四威儀中，分別念數無不了知，漸次增進，乃至得知百千世界一滴之雨，猶如目睹所受用物。</p> <p>非彼所聞一切境界，終不可取。</p> <p>是名三觀，初首方便，若諸眾生遍修三種，勤行精進，即名如來出現於世。</p> <p>若後末世鈍根眾生，心欲求道，不得成就，由昔業障，當勤懺悔；</p> <p>常起希望，先斷憎、愛、嫉妒、諂曲，求勝上心。</p> <p>三種淨觀，隨學一事。</p> <p>此觀不得，複習彼觀，心不放舍，漸次求證。</p> |
|              | 丁二偈頌   |        | <p>爾時、世尊欲重宣此義而說偈言：</p> <p>“圓覺汝當知！一切諸眾生，欲求無上道，先當結三期，懺悔無始業。</p> <p>經於三七日，然後正思惟。非彼所聞境，畢竟不可取。</p> <p>奢摩他至靜，三摩正憶持，禪那明數門，是名三淨觀。</p> <p>若能勤修習，是名佛出世。鈍根未成者，常當勤心懺，無始一切罪；</p> <p>諸障若消滅，佛境便現前。</p>   |

表 12: (1 表)【經文卷下】甲三流通分分四——賢善首章

| 科判            |            | 經文  |
|---------------|------------|---|
| 甲三流通分分四——賢善首章 | 乙一啟請       | <p>於是賢善首菩薩，在大眾中，即從座起，頂禮佛足，右繞三匝，長跪叉手而白佛言：</p> <p>“大悲世尊！廣為我等及末世眾生，開悟如是不思議事。</p> <p>世尊！此大乘教，名字何等？云何奉持？眾生修習得何功德？云何使我護持經人？流佈此教至於何地”？</p> <p>作是語已，五體投地，如是三請，終而復始。</p> |
|               | 乙二許說       | <p>爾時、世尊告賢善首菩薩言：“善哉！善哉！善男子！</p> <p>汝等乃能為諸菩薩及末世眾生，問於如來如是經教功德名字。</p> <p>汝今諦聽！當為汝說”。</p> <p>時賢善首菩薩奉教歡喜，及諸大眾，默然而聽。</p>  |
|               | 丙一總顯       | “善男子？是經百千萬億恆河沙諸佛所說，三世如來之所守護，十方菩薩之所歸依，十二部經清淨眼目。  |
|               | 丙二正答分五     | 丁一答名字何等   |
|               |            | 丁二答流佈何地   |
|               |            | 丁三答云何奉持   |
|               |            | 丁四答所得功德   |
|               |            | 丁五答云何護持經人   |
|               | 丙三外護稟命護持分三 | 丁一敘金剛護法   |
|               |            | 丁二敘天王護法   |
|               |            | 丁三敘鬼王護法   |
|               | 乙四總結       | 佛說此經已，一切菩薩、天龍，鬼神，八部眷屬，及諸天梵王等一切大眾，聞佛所說，皆大歡喜，信受奉行。  |